

19 JUL 1999

DR MAHATHIR DAN ISTERI HADIRI FORUM PERDANA

JITRA, 19 Julai (Bernama) -- Perdana Menteri Datuk Seri Dr Mahathir Mohamad dan isteri Datin Seri Dr Siti Hasmah Mohamad Ali malam ini menghadiri Forum Perdana yang diadakan di padang Pusat Pembangunan Industri Kecil dan Sederhana (IKS) negeri Kedah di pekan Napoh, dekat sini.

Perdana Menteri meluangkan masa kira-kira dua jam untuk mendengar perbincangan yang bertajuk "Kesyukuran".

Forum itu dipengerusikan oleh Shafie Jalil, pendakwah dari Lembaga Penduduk dan Pembangunan Keluarga Negara (LPPKN) dan tiga anggota panel yang terdiri daripada Ketua Pengarah Institut Kefahaman Islam Malaysia (IKIM) Datuk Dr Ismail Ibrahim, Dr Mahsifah Ibrahim dari Universiti Islam Antarabangsa (UIA) dan Jaafar Ismail dari Jabatan Agama Islam Negeri Kedah.

Forum itu ditaja oleh Edaran Otomobil Nasional Berhad (EON) dengan kerjasama Jabatan Kemajuan Islam Malaysia (JAKIM) dan RTM.

Kira-kira 5,000 orang menghadiri forum itu.

Dr Mahathir adalah dalam rangka lawatan rasmi dua hari ke Kedah bermula hari ini.

--BERNAMA

MZM JM RI